

# Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XIX. No. 27

PRIVATE CIRCULATION

JULY 4, 2021

## TUNGLAM APAN PILNA

(Jakob 3:13-17)

-Jamson -

**T**hukhun Thak paunak chih a leng ana om Jakob laikhak in tunglam apan pilna leh tunglam apan hilou pilna toh kisai hiai bang in na gen hi. *“Na lak uah kua a pil in, thu a theithe i a? Thunuailut leh piltak in a thilhihte omdan hoih in ensak hen. Himahleh na lungtang uah hazatna thupitak leh kidemna na neih uleh thudik zuausan kei un. Huai bang pilna zaw tunglam a kipan a hong paisuk ahikei a khovel leh pumpi utna dawi a kipan ahizaw hi. Hazatna leh kidemna omna ah buaina leh thil hihkhelhna chiteng a om hi. Tunglam a kipan pilna bel, a tung in a siangthou phot a, huaikhit in kituah a ut a, a nunnem a, a chihnuam a, hehpihna leh gah hoih in a dim, khentuam a neikei a, a lehpchiah kei hi”* (Jakob 3:13-17). Tun'n hiai a pilna chinih kigente saulou tanglang in koi apan pilna pen ken ka neikha a chi'n ei leh ei kivelthak lehang i chi ahi.

A tung a I Bible tang taklatna ah Sawltak Jakob in pilna chinih ana gen hi – **Tunglam (Pathian) apan pilna leh khovel leh pumpi utna dawi apan pilna**. Tunglam apan pilna nei mi'n tuh thunuailuttak leh piltak in a thilhihte omdan hoih in a langsak (vs 13). Sawltak Jakob mah in tunglam apan pilna toh kisai omzia a genzom zelna ah tunglam pan pilna tuh siangthou in kitutah ut ahihdan gen hi. Huan, huai pilna tuh nunnem, chihnuam, Hehpihna leh gah hoih a dim, khentuam neilou a lepchiahlou ahihdan ana gen hi (vs 14).

Pilna chikhat mah, huai tuh tunglam (Pathian) apan pilna hilou, **khovel leh pumpi tutna dawi apan leng om ahidhan I theithe i uh** (vs 15). Hiai bang pilna pen ahihleh hazatna leh kidemna toh khosa khawm hi. **Hiai bang pilna nei mite'n hazatna leh kidemna, mite thilhih leh nasep peuh hoihsalou in dem nak uhi. Amau sang a midang theizaw leh hihtheizaw a atheithe uh haza in a demna diing a pumzon nak uh. Huchi bang pilna nei mite omna ah lemna hilou in buaina a omzaw hi. Buaina kia leng hilou in thilhihkhelhna chiteng in a zui laizomah hi** (cf Jakob 3:16).

Hiai bang mite'n Juda laikhak a sinsaktu taklou kigente toh kibatna mahmah nei uhi. Thil a theihsiamlouh peuh a gensia ua, ganhingte bang in a pianpih theihsiamna uh zang in amau leh amau a kihihsia uhi (Juda 10). Phun hatte leh ngoh hatte ahi ua, a kamte un ki-otsakna thu a gen uhi (Juda 16). Hiai a sinsaktu taklou kigente bang in khovel pilna nei mite'n thil amau theihsiamlouh peuh gensia in a kalh ua, a pianpih theihsiamna a zang nak uh. A phun hat deuhse diing ua, huan, a kam un ki-otsakna thu a sekhenak uhi.

“Nang zaw kipilsak lodeuh hiveteh aw” hong kichi leh kuamah a ut omlou diing hi. Utlou lel hilou in heh

in kithangpai lai diing hi. Ahihhang in **“nangzaw hai lotel deuh hiveteh”** hong kichi leh I kipak tuankei hial diing. Huai omdan takbel kuapeuh a pilpen leh theipi hih ki-ut chiat a, a haipen hih kiutlou chiat hi. A pilpen leh a theipen ka hi I kam in chikei mahleh a tamzaw thamte ei khom a pil leh thei kisa chiatte ihi uh. A mawlpn hihsang in a pilpen hih ki-utzaw chiat diing hi.

Pilna a sia hizenzenlou hi. Pathian in a deihsak mite kiang a apiak thil ahi. Solomon a deihdeih ngen dia sawl a a-omlai in Pathian apan pilna ana ngen hi. Pathian in a kipahpih mahmah a huchin a nget pilna kia hilou in a ngetlough hauhsakna leh zahtakhuaina a piak behlap lai hi (1 Kum. 3:5-13). **Tunglam apan pilna a hoih a, a deihhuai hi. Himahleh a deihhuailou bel tunglam apan hilou, hatzatna leh demna, buaina leh thilhihkhelhna chiteng a dim pilna kichi pen ahi.**

Jakob 3:13 a Sawltak Jakob in *“Na lak uah kua a pil in, thu a theithe i a?”* ana chih mahbang in tuni'n leng I kidong thak diing. **I lak uah kua pil in thei I kisa ua? Kiniamkhiak inla, midang toh kituah lunggulh in. Muhsitna lungtang koihmang inla, Hehpihna leh gah hoih in dim in. Khentuam nei kenla, lepchiahtak in gamta ken. Pil na kisak a, theih na kisak leh Saptuam sung a vaihawm leh nasep teng soisel in kalh kenla, a theipen leh pilpen bang in thukigente kalh in nang ngaihndan leh hoihsakdan kia adikpen dan in henlut gige sawm ken! Huai naksang in, thunuailut inla, na thilhihte omdan hoih in langsak zaw in. Tuabang mite ahi Laisiangthou in mipil, tunglam apan pilna nei mi achihte. Tunglam apan pilna delh chiat ni.**

**PLACE OF WORSHIP**

UCI Building,  
Sector - VI. RK Puram,  
New Delhi - 110022

Phone No. 9953968807

website : www.cocdelhi.org

**'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'**

Enkaitu : Jamson Guite

**BIBLE CLASS**

**Class**

Adult : Khenpi, Siamkhanmuan  
Inter. : James & Jamson  
Junior : Ginsuan & Suanlian  
Primary : Minlun & Niangngaihching  
Beginner : Chingkhanlun & Pauliansiam

**Teacher**

**TOUPA NI THILPIAK**

No update

**THOUGHT OF THE WEEK**

**Mi thadah in phavang in lei a letkei diing; huai-  
ziakin pawltak chiang in a zong dia, bangmah  
a nei kei diing hi (Paunakte 20:4)**

**THU TUAMTUAM**

**THU TUAMTUAM**

**ONLINE**

**BIBLE CLASS & SERMON  
JULY 2021**

**Toupa' Ni  
Date 4.7.2021**

Hun-uk thumna : Thangbiaklun  
Bible Class : Siamkhanmuan  
Thugen : Lang James  
Thumna : Janglet

**Toupa' Ni  
Date 11.7.2021**

Hun-uk thumna : Thangzalam  
Bible Class : Siamkhanmuan  
Thugen : Jangthang  
Thumna : Nekkhothang

**Toupa' Ni  
Date 18.7.2021**

Hun-uk thumna : Thongginlian  
Bible Class : Siamkhanmuan  
Thugen : Jamson  
Thumna : Pauminthang

**Toupa' Ni  
Date 25.7.2021**

Hun-uk thumna : Kamkhenthang  
Bible Class : Siamkhanmuan  
Thugen : Thangbiakmang  
Thumna : Mungmuanlian

**ONLINE PROGRAM**

☛ Kha hong thaknawnta mahleh paikhawm a munkhat a biakna pen neitheihna diing in gam vaihawmte apan phalna om nailoulai hi. Tuabang ahihman in online Bible class leh sermon a i kinamtak touh photlai uh ngai diing suak hi. Huaiziak in Worshihp lamte'n July khasung a online Bible Class leh sermon program diing hon bawl nawn uhi. Unaute'n ina en chiat diing ua, tan neikhate'n i tan leh nite hoihtak in i chiamteh chiat diing uh. Paikhawm a biakna neitheih ahong hihpahna diing in thum touzel lai ni. Huai komkom in inn mun ah biakna ngaihsak chiat diing in i kingen uhi.

**VISITATION PROGRAM**

☛ Lockdown ziakin preacher in inn vehna ngeina bang in zang theikei mahleh a lemtang dandan in lockdown sung in unaute inn bangzah hiam ana veh hi. Tua lockdown khahkhol a hong omtak ziakin program bawl hinawnta hi. Whatsapp group a hong kikoih khia diing a, unaute'n ei inn veh ni diing ina chiamteh chiat diing uh. Preacher in hon genthak tuantuan khollou kha diing ahihman in bang hiam lemnanlouhna neite'n a hun ma in i zasak diing uh.

**KHAHKHIAK HITA**

☛ Delhi Saptuam in social media tungtawn a Tanchin hoih puanzakna dia panlak ahih toh kiton in youtube channel Berean bible study series bawlkhia hi a. Hiai ah koih diing in kum paisa apan in Pa Richard h/o unauu Jamlunkim kiang a hotdamna lampi toh kisai thugenna video thupi bangzah hiam khumsate July 1, 2021 apan mipi etheih di'n khahkhia hita. Group tuamtuam ah share sawn chiatni. Aban a thupite kalnih hal in hong kikoikhke zel diing hi.

**PAWTKHAWMNA OM**

☛ Unauu Chiinkhohau in honna nutsiatna toh kisai in kal paita Toupa Ni nitaklam in unaua Joseph Pauminthangte inn ah benevolence lamte makaih in pawtkhawmna om hi. Unaua Chinsuanmung hong tun nailouh diak in unaua Joseph-te inn ah neih hi a, unau phatuamngai hun khop kipaikhawm in thumna leh hasotna hun maphatak kizang hi. Covid hipi lenlai himahleh awlmohna diak in unaute inndim kipaikhawm hi. I ki-awlmohnate uh phathuai mahmah.

**NGAPLOU**

☛ Unaua Thanglianakup in kal paita sintawp ni zan apan a pang nasa a zankhovak a imulou a a-om diak in unaua Jamson-te'n a inn apan va pokhiak in kiginni zingkal baihtak in Safdurjung Hospital emergency ah ana paipih uhi. Damdawi khenkhat kap in test tuamtuam hihsak ua OPD a kikhak man diak in damdawi tamlou gelhsak in seppatni chiang a hoh nawn diing in paisak in om hi. Test apan in a taklam kal (kidney) bawzbek ahihdan muhkhiak ahi. Unauu Biak-i duty laitak ahihman in aman leng ana buaipih thei a, seppatni chiang a diing in OPD ticket ana ngaihtuah diing a ana makaih thei lai diing hi. A hong dampah theihna diing in thumpih ni.

**PAITA UH**

☛ Rajasthan apan Lamka lam zuan diing Delhi hong bang unaua Khamlianmangte innkuan Delhi a Toupa Ni a nituang nung un kal paita seppatni in Lamka lam ah ana paita uhi.

**MUTA UH**

☛ Kha Namsau mundang a unaute a diing a khakhiak a omte a tamzaw in ana muta uh ahihdan theih ahihman in i kipak uh. A mute'n hon theisakzel le uh kipahuai sem diing.